

Na osnovu člana 16. stav 2. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10), a u skladu sa Odlukom Upravnog odbora Federalnog fonda za pomoć nastradalim područjima od prirodne nesreće na teritoriji Federacije Bosne i Hercegovine od 30.09.2014. godine o raspoređivanju sredstava za obnovu putne infrastrukture oštećene usljed prirodne nesreće, Vlada Zeničko-dobojskog kantona, na prijedlog Ureda Premijera, na 188. sjednici, održanoj 23.10.2014. godine, d o n o s i

ODLUKU
o raspoređivanju sredstava za obnovu putne infrastrukture
Zeničko-dobojskog kantona oštećene usljed prirodne nesreće

Član 1.
(Predmet)

Ovom odlukom raspoređuju se sredstva Federalnog fonda za pomoć nastradalim područjima od prirodne nesreće na teritoriji Federacije Bosne i Hercegovine, usmjerena Zeničko-dobojskom kantonu za obnovu putne infrastrukture oštećene usljed prirodne nesreće.

Član 2.
(Način plaćanja)

Dinamika uplate ovih sredstava vršit će se u skladu sa ugovorima sa izvođačima radova, dinamikom realizacije koju potvrđuje nadzor i privremenim situacijama.

Član 3.
(Sanacija putnog pravca Golubinja – Željezno polje)

Odobravaju se sredstva u iznosu od 700.000,00 KM općini Žepče na ime realizacije projekta obnove putne infrastrukture na pravcu Golubinja – Željezno polje.

Član 4.
(Sanacija putnog pravca Nemila - Bistričak)

Odobravaju se sredstva u iznosu od 300.000,00 KM Ministarstvu za prostorno uređenje, promet i komunikacije i zaštitu okoline za sanaciju puta na pravcu Nemila – Bistričak.

Član 5.
(Nadzor nad izvođenjem radova)

Nadzor nad izvođenjem radova na obnovi putne infrastrukture na pravcima iz člana 2. i 3. ove Odluke, vršit će Kantonalna direkcija za ceste Zeničko-dobojskog kantona, uz obavezu informisanja Vlade o početku, dinamici i završetku poslova.

Član 6.
(Realizacija odluke)

Sredstva za realizaciju ove Odluke uplaćena su od strane Federalnog fonda za pomoć nastradalim od prirodne nesreće na teritoriji Federacije Bosne i Hercegovine na budžetsku organizaciju 1101001 - Ured Premijera.

Za realizaciju ove Odluke zadužuje se Ministarstvo finansija i Ured Premijera Zeničko-dobojskog kantona.

Član 7.
(Stupanje na snagu)

Ova Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-_____/14
Datum, 23.10.2014. godine
Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ured Premijera,
1x Ministarstvo finansija,
1x Ministarstvo za prostorno uređenje,
 promet i komunikacije i zaštitu okoline,
1x Kantonalna direkcija za ceste ZDK,
1x Općina Žepče, putem Ureda premijera,
1x „Službene novine Zeničko-dobojskog kantona“,
1x a/a.